

2913

LITURGICI

2914

gaudentes. Sunt hae Lectiones Pars *Astorum* extantium apud *Suriium* T. I. p. 434.

Fol. 170. p. 2. In Natale *Sancti gregorii pape*. Lectiones VIII. quae incipiunt: *Gregorius genere romanus. arte philosophus &c.* Finit: *crudis leguminibus pascebatur*. Excerptae sunt ex *Vita Greg.* scripta a *Johanne Diac.* quam habes in *Ag. SS. T. II. p. 211.* in *Mabillonii Ag. SS. O. S. B. Sec. I. p. 496.* et *Opp. Greg. T. IV. Paris. 1705. f.*

Fol. 172. ad marginem: *De uno confessore.* itidem Lectiones VIII. quarum initium: *Ad sancti ac beatissimi istius patris &c.* Finit: *latronum obsidet multitudo.* Sunt de *Homilia S. Maximi*, quae est *LIX.* et *II.* de *S. Eusebio Vercell.* legunturque etiam hodie in *Brev. Rom.*

Fol. eod. p. 2. In natali unius *confessoris qui non fuit episcopus.* Lectiones VIII. Incipiunt: *Servuorum igitur quos populo suo preposuit &c.* Desinunt: *uendite que possidetis et date elemosinam.* Videntur depromptae ex *Homilia* quadam in illud *Lucae 12. Quis putas est fidelis dispensator &c.*

Fol. 173. In Natale *Confessorum.* rursus Lectiones VIII. hoc initio: *Dominicus sermo quem debemus omnes &c.* Hoc fine: *magistro dominico sterilis permanere.* Pars cujusdam *Homiliae* de *Obseruantia Mandatorum Dei.*

Fol. 174. fine ullo Titulo incipit *Enarratio* in *Psal. LXIII. Exaudi Deus orationem meam &c.* sed tantum pertingit ad *V.* ejus

7. *Sagittae parvulorum &c.* Initium est: *A parte humanitatis assumptae &c.* Finit: *puris mentibus intrauerunt.* Ex quo conficitur, *Enarrationem esse Cassiodori*, quae legitur *Opp. T. II. Rotomagi 1679. p. 208. f.*

Fol. 176. habetur *Fragmentum* fabulosum de *D. Thomae Apostoli* missione ad *Indos*, quod incipit: *Dum Apostolus Thomas qui et didimus esset apud cesaream &c.* Finit: *Nullus pauper. nullus aliquid indigens.* Depromptum ex *Pseudoabdiae Hist. Apostolicae L. IX. Adi J. A. Fabricii Cod. Apocr. N. T. P. II. p. 687.*

Fol. denique 177. recurrunt *Lectiones de B. Lucia* usque ad initium *Quintae*, quae jam fol. 7. legebantur.

DCCCVI.

Codex membraneus lat. Sec. 376 XI. Folior. 40. f. per duas columnas nitide scriptus et rubricis distinctus *Liturgicus* est et inscribitur: *Incipit Ordo Catholicorum Librorum Qui in Ecclesia Romana ponuntur.* Initium: *In uigilia natalis domini leguntur lectiones. III. de isaia propheta &c.* Edidit hunc *Ordinem Melch. Hittorpius* c. aliis *Colon. 1568. f. p. 19.* Sunt tamen, in quibus differimus, quae indicabo. Sub finem *Ordinis in Octavis Domini* nobis desunt illa verba: *Post octauas uero usque in Theophaniam &c.* In *Ordine de Purificatione B. Mariae* omittitur, quidquid ad *Benedictionem Cerei* pertinet. *Denunciatio*

C c 3

tio

tio mensis primi quarti septimi et decimi praecedat nobis Ordinem in annuntiatione sanctae Mariae. In ordine quarta Feria Quadragesimae abest a Codice Confessio Poenitentis, et multa alia variant. In Denuntiatione Scrutinii Symbolum graecum latinis nobis literis scribitur: Pisteuuo is ena theon &c. ubi observa sonum τϛ Ἡρα: gis (γης) genitenta (γεννθεντα) alithinon (αληθινον) &c. Ordo Diei Palmarum multum in Cod. differt ab Hittorpiano. Benedictiones Olei Ambrosianas omittit Noster. Omittit item tres Orationes ad Crucem et Hymnum Crux Fidelis in Ord. de Feria sexta Parasceues. Item in Ordine in Sabbato Sancto Hymnum Prudentii cum duabus Orationibus praevis. In universum eorum, quae legenda vel recitanda sunt, plerumque initia tantum ponit, ubi integra exhibet Exemplum Hittorpii, quod etiam T. XIII. Bibl. PP. Lugd. p. 666. reproductum est.

II. fol. 31. Incipit Ordo Ad Sponsas Benedicendas. Ad Missam Antequam Dicatur Pax Domini. Initium: Inprimis cantetur Missa cum introito isto. In uoluntate tua domine uniuersa sunt posita &c. Hodie obtinet: Deus Israel coniungat vos &c. Orationes, Praefatio, Infra Actionem et Benedictio super Sponsam petita sunt e Sacramentario Gregoriano in L. A. Muratorii Liturgia Rom. Vet. Venet. 1748. col. 244. f. Epistola depromitur e Paulo ad Ephes. Mulieres uiris suis subditae sint &c. Evangelium e Iohanne:

Nuptiae facta sunt in chana &c. Haec hodie diuersa. Inserta est praeterea Benedictio Anuli, et in Rubrica monentur Sponsi: ea nocte pariter non dormiant sed pro reuerentia ipsius benedictionis in castitate maneant. Adhaerent Oratio pro parturiente duplex et alia in Natali genuino infantis.

III. fol. 33. Oratio ad capillaturam incidendam. Sic: Manda deus benedictionem tuam &c. Ad puerulum tonsurandum. Praefatio ad clericum faciendum. Ad barbam tendendam. Omnia, ut Hittorpii suprac. p. 85. Denunciatio primi, quarti, septimi et decimi Mensis, ut iam supra in Ord. Rom. et Hittorp. p. 30 — 31. Ordo brevior eo, qui habetur apud Hittorp. p. 83. Qualiter in Romana ecclesia sacri ordines fiunt. Capitula de Canone Chalced. Sancti Gregorii. Zosimi pape. Leonis pape. Clementis de oblatione altaris. De pallis. De officiis septem Graduum, ubi Noster addit Ysidori. Iterum Ordo qualiter in romana ecclesia sacri ordines fiunt. Abrumpitur in Praefatione Ostiarii. Omnia haec apud Hittorp. a p. 86. et in Bibl. PP. T. cit. a p. 702. sed quemadmodum ibi in Inuitatione Ordinandorum omissus est Acolitus, ita Noster Lectorem omittit. Sequitur Ordinatio presbyteri paene, ut Hittorp. cit. p. 93. sed ibi non habetur Missa pro Presbyteris ordinatis nec in ordinatione leuite, nec in anniuersario die ordinatorum presbyterorum scilicet uel leuitarum, quarum tertiam solummodo inuenio in Sacramentario Gelasiano L.

I. *Muratorii cit. col. 623.* inscriptam in *Natale Consecrationis Presbyteri.* Oratio Primae incipit: *Exaudi domine supplicum preces. et deuoto tibi peccatore famulantes &c.* Secundae: *Ad preces nostras quesumus domine propitiatus intende ut leuitę tui &c.*

IV. fol. 38. *Incipit libellus diuersorum ordinum. Inprimis De consecratione uirginum Initium: Consecratio Sacrae Virginis quę in epyphania uel in secunda feria paschę aut in apostolorum natalicijs celebratur &c.* Extat apud *Hittorp.* p. 141. sed ibi pro secunda feria paschę legitur in *Albis paschalibus*, et multo plura ponuntur, quam in *Cod.* qui finit in *Orat. Respice propitius domine super hanc famulam &c.* Sequitur *Ordo Qualiter Abbas Ordinari Debet.* Initium: *In ordinatione abbatis episcopus debet missam complere &c.* Apud *Hittorp.* p. 139. sed paullum mutata dicendorum ferie, neque adhaeret *Missa pro abbate*, ut in *Cod.* cuius Oratio incipit: *Concede quesumus domine famulo tuo N. abbati ut predicando &c.* Ultimus est *Ordo ad monachum faciendum*, qui incipit: *Conueniente uniuerso coetu monachorum &c.* et habetur *Hittorp.* p. 137. sed in *Cod.* ad illa verba: *mundi blandientis inlecebris crucifixus remotus* — *Orationis: Omnipotens et misericors deus totius &c.* abrumpitur. Interim tamen hic locum offert, qui ab exemplo *Hittorpii* abfuit. Post *Orationem* enim de *S. Benedicto* interferitur: *In ordinatione mona-*

chi abbas debet missam cantare et tres orationes complere super caput eius. et septem dies uelet caput suum. et septimo die abbas tollat uelamen. Sicut in baptismo presbiter septimo die uelamen infantum tollit. ita et abbas monacho debet. quia secundus baptismus est. uel iuxta iudicium patrum (quorundam monachorum) ei omnia peccata dimituntur. sicut in baptismo.

In principio *Codicis* manu *Sec. XII.* haec leguntur: *Nouerint omnes Christi fideles qualiter Godepoldus cum uxore sua Diemota Ecclesiam sancti egidii ad honorem dei edificauerunt. prediisque suis dotatam fratribus gurke sancte marie seruiantibus simul cum omnibus inibi adiacentibus prediis decurso huius uite spacio tradiderunt pro se suorumque parentum remedio firmiter et sine contradictione firmauerunt. Huius rei testes sunt Pilgrin de buoch. Megengoz sasan et filius eius Gotebolt. Werenber de radewik. Liebart de eadem uilla. Pernbart de sancto uito. et frater suus Karolo. Walther de glanbeche et filius suus Hartewik. Hartewich de gurch. Leo de uasrch. Magens de Walpotesdorf. Hiltepran de polst. Egnelscaleb de uriefach. et chuonrat sororis sue filius. Wisent de pinzgov. Sigebot de Wilarent. Otto filius isenrici et frater suus gotepolt. Ernest filius sigewini. Leo de craphel et filius suus Wolfirigel. goteboldus auctor eiusdem rei de osteruiz. Heinrich de tuchensdorf. Vriderich luwer. Perenhar albus de osterwiz. Marchwart de osterwiz. Gumprecht*

recht de crapplet. Goteschalch Zul-
le. Reinbal de nuenbalen. Ruodolf
de tiuensperch. Perenbar Plasar.
Vriderich de alsdorf. Hartewich
de mulpach. Goteschalch de arben-
dorf. Hartelieb de osterwiz et fra-
ter Perenbart. Gotefrid de timen-
sperch. Dietemar de osterwiz. Lu-
nich de otmagnab et filius suus Pe-
ro et rapot. Werenber de tulsnich.
Hadolt de Zemrasdorf. Reinbolt
de wolwiz. Wezel de parenz.
Warmuot de cherein. Eppo deu-
tonicus. Adelgoz de sorich. Wo-
delrich de bodebov. Ruodeger de
nuzperch. Time ministerialis de
salzpurch. Wodalrich de lungov.
Adalger de sorich. Cbuonrat de so-
rich. Reinprebt de bache. Eppo
cliens domini biltebrandi de pols.
Dum Hemma Wilhelmi Land-
gravii Vidua an. 1042. Parthe-
nonem Gurcensem in Carintbia
conderet, Virginibus ad sacra
ministeria additi sunt Clerici vi-
ginti; atque hos in praemissa
Traditione intelligi putem. Suc-
cessu temporis deletis Moniali-
bus, dum an. 1071. Episcopatus
fundaretur, ex his Clericis facti
Canonici. Vide *Hanszii Germ.*
Sacr. T. II. p. 175. Traditio ita-
que inter annos 1042 — 1071.
facta videtur. Extat etiamnum du-
plex quidem *S. Aegidii Fanum*
in vicinia *Gurcensi*, quemadmo-
dum et plura e Locis supra nomi-
natis hodie visuntur.

DCCCVII.

511 Codex membraneus lat. Sec.
XI. Folior. 203. 4. eleganter

scriptus, minio decorus, et fo-
liis illis, quae Capitum Indices
exhibent, picturatis continet: I.
Iudicium aquae frigidae his prae-
missis: *Cum uis hominem in aquam*
mittere. ad conprobationem ista de-
bes facere. Accipe illos homines.
quos in uoluntate habes mittere in
aquam. et duc eos in ecclesiam. et
coram omnibus cantet presbiter mis-
sam. Cum autem ad communicatio-
nem uenerint. antequam communi-
cent interroget eos sacerdos et (ac)
curatione ista dicat. Edidit Ordinem
eiusmodi Bern. Pezsius T. II.
Anecd. P. 2. p. 643. e Ms. Wes-
sofont. Missam uero e Cod. Rhe-
naug. produxit etiam Cels. Ger-
bertus P. II. Vet. Liturg. Alem.
p. 555. Cum utroque igitur Codi-
cem nostrum comparabo. Adjura-
tionem primam cum rubricis et
Communionem habet Pezsius, Mis-
sam uero non repetit, quia illa
jam in Ordine ad Caldarium et
Ferrum praecessit. Nobis ea in-
scripta est: Haec est celebratio
missae ad iudicium seu aquae siue
ferri, et consentit cum Cod. Pe-
ziano et Gerbert. Orationem ta-
men secundam ad Complend. quae
infit: Ostende nobis misericordiam
tuam &c. Pezianus ignorat. Mis-
sam excipit Benedictio Aquae, ad
quam de Psalmis, quos praescri-
bit Pezianus, tacetur; contra
uero in Litanis Noster iubet ad-
di ter: Pro huius negotii qualita-
te te rogamus, audi nos. Ut iusti-
ciae non dominetur iniquitas. sed
subdatur falsitas ueritati. te rog-
audi nos. Exorcismus Aquae utro-
bique idem. Eum tamen in Nostro
Ora-